



**CONCELLO DE
SANTIAGO**

PREGO PRESCRICIÓN TÉCNICAS PARA A INSTALACIÓN DE PISTA DE PATINAXE SOBRE XEO NO PASEO DA ALAMEDA NAS TEMPADAS DE NADAL 2017/2018 E 2018/2019

Deberá achegarse documentación completa gráfica e escrita, incluídos planos sobre as características da pista, os seus elementos auxiliares e calquera elemento que se pretenda colocar:

A adxudicataria asumirá as seguintes condicións e requirimentos técnicos na instalación da pista de patinaxe e elementos auxiliares:

1. A pista será de xeo artificial, quedando excluídas as pistas de plástico. Terá forma rectangular ou cadrada, cunha dimensión orientativa de entre 400 a 500 metros cadrados. En todo caso, a superficie máxima de ocupación da totalidade das instalacións (pista e posibles servizos complementarios) non excederá o ámbito indicado no plano adxunto. A superficie da pista deberá estar en boas condicións e totalmente lisa, sen que presente ningún tipo de obstáculo que poida ser perigoso para os usuarios. Estará dotada de valla perimetral e carpa. A valla deberá ter unha altura mínima dun metro sobre a superficie do xeo, sustentada por elementos verticais colocados na cara oposta á superficie de xogo, fixados ao chan de forma sólida e resistente, e a carpa deberá ser de aluminio, ignífuga e estar homologada.
2. O cumprimento da totalidade da normativa urbanística e de seguridade aplicable a este tipo de instalacións deberá constar xustificada en documento técnico redactado e asinado por técnico titulado competente, que deberá acompañarse xunto coa proposta, e no que farase constar, como mínimo, as medidas de seguridade, o cumprimento da ordenanza municipal de regulación de emisión e recepción de ruídos, vibracións e condicións dos locais e o cumprimento da normativa urbanística do "Plan especial de protección e rehabilitación da cidade histórica (PE-1).
Antes da posta en funcionamento da instalación, deberá presentarse Certificado de dirección de obra no que se certifique que a execución material das mesmas foi realizada baixo a súa inspección e control, que a instalación se axusta ao proxecto e a documentación técnica autorizada, e que reúne as condicións regulamentarias para destinala ao uso previsto.
3. O posible sistema de conxelación non poderá incluír tubarías de caucho etileno propileno dieno (EPDM).
4. Divisores ou distribuidores interiores (paneis, carpas, mostradores, estanterías, bancos, percheiros, vallas...) para a separación de zonas específicas (taquilla, entrega e retirada de patines, roupeiro, colocación de patines, asistencia médica...) e a delimitación de espazos de uso para os participantes e de zonas

de uso exclusivo para os organizadores, garantindo a seguridade e estética do acabado do montaxe.

5. Chan de goma para as zonas de colocación de patines e de acceso á pista.
6. Equipo de son para amenizar permanentemente as sesións de patinaxe e equipo de iluminación necesario.
7. O adxudicatario deberá aportar para a prestación do servizo:
 - Recursos necesarios para o montaxe, mantemento e desmontaxe da pista de xeo en condicións óptimas de seguridade e de eficiencia nos consumos enerxéticos, para o cal se procurará, dentro do posible, de localizar os equipos de refrixeración próximos á pista de xeo.
 - Os patines para o seu aluguer por parte dos usuarios, respectando polo menos a proporción 0,5 pares por metro cadrado de pista.
 - Persoal: tres persoas como mínimo distribuídas coas seguintes responsabilidades durante o horario de apertura ao público: Responsable do servizo, taquilla, e control de accesos. En todo caso, o adxudicatario deberá atender as necesidades de persoal de reforzo necesario en función da afluencia de público.
8. Asistencia sanitaria permanente.
9. Luvas para a súa venda aos usuarios que veñan desprovistos desta prenda de uso obrigatorio para poder acceder á pista, circunstancia que, obrigatoriamente, deberá figurar na publicidade da pista de xeo.
10. A pista deberá reunir as condicións adecuadas de seguridade, sendo o adxudicatario o responsable de calquera accidente por anomalía da montaxe ou condicións da pista, así como dos desperfectos que o desenvolvemento da actividade poida causar no recinto.
11. A adxudicataria deberá subscribir o seguro de responsabilidade civil e danos de conformidade co previsto no Prego de Condicións, que deberá ser validado polo Concello con carácter previo á posta en funcionamento da instalación.
12. Serán por conta da adxudicataria todos os gastos necesarios para o exercicio da actividade, incluída limpeza, seguridade e os derivados da instalación e subministración da enerxía eléctrica.
13. Os dereitos de autor que poidan devengarse pola actividade serán asumidos pola adxudicataria.
14. Os horarios de apertura ao público respectarán os seguintes límites mínimos:

Vacacións de Nadal (entre o 20 de decembro e o 7 de xaneiro) en horario de mañá e tarde. De 11 h a 14 h e de 16.30 h a 22 h todos os días da semana.

Resto dos días do período de funcionamento:



**CONCELLO DE
SANTIAGO**

De lun a venres: de 17 h a 21 h

Sábado e domingo: de 11 h a 14 h e de 16.30 h a 22 h

14. Establécese un prezo máximo de entrada de 10 euros, IVE incluído.

15. Ao final da actividade, a adxudicataria deberá entregar ao Concello datos relativos ao uso da pista, entre os que alomenos deberá figurar, desagregados por sesións (mañá ou tarde) e días:

- Número de entradas vendidas
- Número de participantes en modalidade de grupos
- Número de invitacións
- Número de asistentes durante as xornadas de portas abertas desagregados por días.

16. A adxudicataria obrígase ao cumprimento estrito de cantas disposicións en vigor, ou ditadas durante a vixencia do contrato, regulan o exercicio da actividade.

17. A adxudicataria poderá xestionar a venda de espazos promocionais no recinto da instalación.

18. A adxudicataria deberá especificar na súa proposta días e horas das actividades lúdicas complementarias ofertadas (cursos de patinaxe; ludoteca /inchables).



Asdo. Lucía M. Castro López
Técnica responsable de Comercio

